

ների ու քաղաքապետարանի ներկայացուցիչները: Այդ կոմիտէի գումարները բաց պիտի ըլլան. վերոյիշեալներէն ցանկացողները կարող են ներկայացուցիչ ուղարկել և կամ ուղած ժամանակ իրենց ներկայացուցիչն յետ կանչել: Կոմիտէն պիտի զբաղուի նաև գործնական խնդիրներով՝ ցուցմունքներ անելով և օգուելով ի պահանջել հարկին գանազան հիմնարկութիւնների արագ հայացման: Կոմիտէն ունի իր մնայուն դիւանը՝ վարելու համար ծրագրուած աշխատանքները:

Անշուշտ, որոշ չափով այս շարժման ազդեցութեան տակ էր, որ մայիս 15-ին ներքին գործոց նախարարի օգնական Ս. Մանասեանը ուղարկեց հետևեալ շրջաբերականը.

«Առաջարկում եմ այսուհետև գաւառում բոլոր գրագրութիւնը գաւառական, հասարակական և գիւղական կոմիտայիների և նմանապէս բոլոր հիմնարկութիւնների պաշտօնեաների հետ վարել հայերէն՝ հասկացնելով ազգաբնակչութեան, որ խնդիրները, բացատրութիւնները հիմնարկութիւններին և պաշտօնեաներին պէտք է գրել հայերէն: Նոր պաշտօնեաներին ընդունելիս պէտք է պահանջել և գերադասութիւն տալ նրանց, որոնք տիրապետում են հայոց լեզւին: Թէ գաւառական կոմիտայիների և թէ բոլոր ստորադրեալ պաշտօնեաների կազմած արձանագրութիւնները պէտք է լինեն հայերէն, իսկ եթէ մեղադրուողը հայ չէ, արձանագրութիւնը կարելի է կազմել և ուսերէն: Կարգադրեցէք, որ բոլոր հայ գիւղերում համախօսականներ, հրամաններ և, ընդհանրապէս, ամբողջ գործավարութիւնը կազմեն և կատարեն հայերէն»:

Տարւայ վերջը պետական և հանրային հիմնարկութիւնների մեծ մասը արդէն հայացած էր. դեկտ. 26-ի օրէնքով հայերէնը յայտարարեց պետական լեզու:

Երկրի վերաշինութեան և տնտեսական բարեկարգութեան համար կատարեցին մի շարք արժէքաւոր ձեռնարկներ. ապրիլ-մայիս ամիսներին բանակցութիւններ կատարեցին Անդրկովկասի ջրային գործի հեղինակաւոր մասնագէտ Ս. Չաւալիչինի հետ և նրան յանձնեց Հայաստանի սահմանների ջրային ուժի և ոռոգման ուսումնասիրութեան աշխատանքը: Այդ նպատակով յատկացեց 4 միլիոն ուրբի: Ս. Չաւալիչինը գործի կանչեց մի շարք առաջնակարգ մասնագէտներ — Պ. Վէյնմարն, Զվարիկին, Կոժենիկով և ուրիշներ—ժող 70 ինժեներներ, տեխնիկներ, հանքաբաններ, հողագէտներ ու բուսաբաններ և աւելի քան մէկ տարի անընդհատ հետազոտութեան ենթարկեց ու ծրագրներ կազմեց Հայաստանի ջրային կարողութիւնների մասին՝ որպէս յով ոռոգման դրութիւնը, առուների ուղղութիւնը, ելեկտրականանների կազմն ու տեղը և այլն: Յետագային, այս հետազոտութեան արդիւնքները ընդունեցին ահադ. Ա. Թամանեանի նախագահութեամբ կազմուած յանձնախմբի կողմից և մինչև այսօր էլ անդնահատելի նիւթ են ծառայում Հայաստանի համար:

Մայիս 1-ին պարեն. նախ. Բ. Վերմիշեանի առաջարկով և արդ. նախ. Ս. Յարութիւնեանի իրաւաբանական եզրակացութեամբ կառավարութիւնը ոչնչացւած համարեց Կողբի աղահանքի կապալի պայմանները և աղահանքերը գրաւեց յարջունիս՝ պետական միջոցներով կազմակերպելով աղի արտադրութիւնն ու վաճառքը: